

影印
文淵閣

四庫全書

影印

文淵閣四庫全書

第一〇八二冊

北京出版集團公司
北京出版社

本冊目次

李義山詩集

唐 李商隱撰……………一

李義山詩集注

唐 李商隱撰……………七九

附 詩 譜 錄

清 朱鶴齡注

李義山文集箋注

唐 李商隱撰
清 徐樹穀箋……………二三七
徐炯註

溫飛卿詩集箋注

唐 溫庭筠撰
明 曾益注……………四四七
清 顧予咸補注
顧嗣立重訂

丁卯詩集

唐 許渾撰……………五五五

補 遺

文泉子集

唐 劉蛻撰……………六一九

欽定四庫全書

集部
李義山詩集卷上

詳校官監察御史_臣查瑩
檢討_臣何思鈞覆勘

總校官檢討_臣何思鈞
校對官編修_臣戴聯奎
謄錄監生_臣袁懷璞

欽定四庫全書

集部二

李義山詩集

別集類一 唐

提要

臣等謹案李義山詩集三卷唐李商隱撰商隱字義山懷州河內人開成二年進士釋褐秘書省校書郎調宏農尉會昌二年又以書判拔萃王茂元鎮河陽辟為掌書記歷佐幕府終於東川節度判官檢校工部郎中事迹具唐書本傳商隱詩與溫庭筠齊名詞皆縹麗然庭筠多綺羅脂粉之詞而商隱感時傷事尚頗得風人之旨故蔡寬夫詩話載王安石之語以為唐人能學老杜而得其藩籬者惟商隱一人自宋楊億劉子儀等沿其流波作西崑唱酬集詩家遂有西崑體致伶官有搢搢之譏劉攽載之中山詩話以為口實元祐諸人起而矯之終宋之世作詩者不以為

欽定四庫全書

李義山詩集
提要

宗胡仔漁隱叢話至摘其馬嵬詩渾河中詩

詆為淺近後江西一派漸流于生硬麤鄙詩

家又反而講溫李自釋道源以後註其詩凡

數家大抵刻意推求務為深解以為一字一

句皆屬寓言而無題諸篇穿鑿尤甚今考商

隱府罷詩中有楚雨含情皆有託句則借夫

婦以喻君臣固嘗自道然無題之中有確有

寄託者來是空言去絕踪之類是也有戲為

艷體者近知名阿侯之類是也有實寓狎邪

者昨夜星辰昨夜風之類是也有失去本題

者萬里風波一葉舟之類是也有與無題相

連誤合為一者幽人不倦賞之類是也其摘

首二字為題如碧城錦瑟諸篇亦同此例一

槩以美人香草解之殊乖本旨至于流俗傳

誦多錄其綺艷之作如集中有感二首之類

選本從無及之者取所短而遺所長益失之

矣乾隆四十六年十月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

李義山詩集卷上

錦瑟

唐 李商隱 撰

錦瑟無端五十絃一絃一柱思華年
莊生曉夢迷蝴蝶望帝春心託杜鵑
滄海月明珠有淚藍田日暖玉生煙
此情可待成追憶只是當時已惘然

重過聖女祠

欽定四庫全書

李義山詩集卷上

白石巖扉碧薜滋上清淪謫得歸遲
一春夢雨常飄瓦盡日靈風不滿旗
萼綠華來無定所杜蘭香去未移時
王郎會此通仙籍憶向天階問紫芝

寄羅劭興

棠棣黃花發忘憂碧葉齊
人間微病酒燕重遠兼泥混
沌何由鑿青冥未有梯
高陽舊徒侶時復一相攜

令狐舍人說昨夜西掖翫月因戲贈

昨夜王輪明傳聞近太清
涼波衝碧瓦曉暈落金莖
露

素秦宮井風絃漢殿箏幾時綿竹頌擬薦子虛名

崔處士

真人塞其內夫子入於機
未肯投竿起唯歎負米歸
雪中東郭履堂上老萊衣
讀遍先賢傳如君事者稀

自喜

自喜蝸牛舍兼容燕子巢
綠筠遺粉箨紅藥綻香苞
虎過遙知甯魚來且佐庖
慢行成酩酊隣壁有松膠

題僧壁

欽定四庫全書

李義山詩集卷上

捨生求道有前蹤乞腦剗身結願重
大去便應欺粟粒小來兼恐隱針鋒
蚌胎未滿思新桂琥珀初成憶舊松
若信貝多真實語三生同聽一樓鐘

霜月

初聞征鴈已無蟬百尺樓南水接天
青女素娥俱耐冷月中霜裏闕嬋娟

異俗二首

時從事
嶺南

鬼瘡朝朝避春寒夜夜添
未驚雷破柱不報水齊簷
虎

箭侵膚毒魚鉤刺骨銛鳥言成謀詐多是憾彤襜
戶盡懸秦網家多事越巫未曾容獮祭只是縱豬都點
對連鰐顧搜求縛虎符賈生兼事鬼不信有洪爐

歸墅

行李踰南極旬時到舊鄉楚芝應徧紫鄧橘未全黃渠
濁村春急旗高社酒香故山歸夢喜先入讀書堂

和孫朴韋蟾孔雀詠

此去三梁遠今來萬里攜西施因網得秦客被花迷可

欽定四庫全書

李義山詩集
卷上

三

在青鸚鵡非關碧野難約眉憐翠羽刮膜想金篦瘴氣
籠飛遠蠻花向坐低輕於趙皇后貴極楚懸黎都護矜
羅幕佳人炫繡桂屏風臨燭釵捍撥倚香臍舊思牽雲
葉新愁待雪泥愛堪通夢寐畫得不端倪地錦排蒼鳳
簾釘鏤白犀曙霞星斗外涼月露盤西妬好休誇舞經
寒且少啼紅樓三十級穩穩上丹梯

人欲

人欲天從竟不疑莫言圓蓋便無私秦中已久烏頭白

却是君王未備知

華山題王母祠

蓮花峰下鎖雕梁此去瑤池地共長好為麻姑到東海
勸栽黃竹莫栽桑

商於

商於朝雨霽歸路有秋光背塢揀收果投巖扉退香建
瓚真得勢橫戟豈能當割地張儀詐謀身綺季良清渠
州外月黃葉廟前霜今日看雲意依依入帝鄉

欽定四庫全書

李義山詩集
卷上

華清宮

華清恩幸古無倫猶恐蛾眉不勝人未免被他褒女笑
只教天子暫蒙塵

楚澤

夕陽歸路後霜野物聲乾集鳥翻漁艇殘虹拂馬鞍劉
楨元抱病虞寄數辭官白袷經年春西來及早寒

蟬

本以高難飽徒勞恨費聲五更疎欲斷一樹碧無情薄

官梗猶汎故園燕已平煩君最相警我亦舉家清

江亭散席循柳路吟歸官舍

春詠敢輕裁街詞入半盃已遭江映柳更被雪藏梅寡
和真徒爾殷憂動即來從詩得何報唯感二毛催

潭州

潭州官舍暮樓空今古無端入望中湘淚淺深滋竹色
楚歌重疊怨蘭叢陶公戰艦空灘雨賈傳承塵破廟風
目斷故園人不至松醪一醉與誰同

欽定四庫全書

李義山詩集
卷上

贈劉司戶蕢

江風揚浪動雲根重礙危樯白日昏已斷燕鴻初起勢
更驚騷客後歸魂漢廷急詔誰先入楚路高歌自欲翻
萬里相逢歡復泣鳳巢西隔九重門

哭劉司戶蕢二首

離居星歲易失望死生分酒甕凝餘桂書籤冷舊芸江
風吹鴈急山木帶蟬暝一叫千迴首天高不為聞
有美扶皇運無誰薦直言已為秦逐客復作楚冤魂淦

浦應分派荆江有會源併將添恨淚一洒問乾坤

悼傷後赴東蜀辟至散關遇雪

劍外從軍遠無家與寄衣散關三尺雪迴夢舊鴛機

樂遊

向晚意不適驅車登古原夕陽無限好只是近黃昏

北齊二首

一笑相傾國便亡何勞荆棘始堪傷小憐玉體橫陳夜
已報周師入晉陽

欽定四庫全書

李義山詩集
卷上

巧笑知堪敵萬幾傾城最在著戎衣晉陽已陷休迴首
更請君王獵一圍

街西池館

白閣他年別朱門此夜過疎簾通月魄珍簾接煙波太
守三刀夢將軍一箭歌國租客客旅香熟玉山禾

南朝

玄武湖中玉漏催雞鳴埭口繡襦迴誰言瓊樹朝朝見
不及金蓮步步來敵國軍營漂木柿前朝神廟鎖煙煤

滿宮學士皆顏色江令當年只費才

復京

虜騎胡兵一戰摧萬靈迴首賀軒臺天教李令心如日
可要昭陵石馬來

郭杜馬上念漢書

一云五陵懷古

世上蒼龍種人間武帝孫小來唯射獵興罷得乾坤渭
水天開苑咸陽地獻原英靈殊未已丁傳漸革軒

柳

欽定四庫全書

李義山詩集卷上

動春何限葉撼曉幾多枝解有相思否應無不舞時絮
飛藏皓蝶帶弱露黃鸝傾國宜通體誰來獨賞眉

渾河中

九廟無塵八馬迴奉天城壘長春苔咸陽原上英雄骨
半向君家養馬來

巴江柳

巴江可惜柳柳色綠侵江好向金鑾殿移陰入綺窓

咸陽

咸陽宮闕鬱嵯峨六國樓臺豔綺羅自是當時天帝醉
不關秦地有山河

同崔八詣藥山訪融禪師

共受征南不次恩報恩唯是有忘言巖花澗草西林路
未見高僧且見猿

聞著明凶問哭寄飛卿

昔歎讒銷骨今傷淚滿膺空餘雙玉劍無復一壺冰江
勢翻銀礫天文露玉繩何因攜使信同去哭徐陵

欽定四庫全書

李義山詩集卷上

聽鼓

城頭疊鼓聲城下暮江清欲問漁陽慘時無補正平

送崔珏往西川

年少因何有旅愁欲為東下更西遊一條雪浪吼巫峽
千里火雲燒益州卜肆至今多寂寞酒壚從古擅風流
浣花牋紙桃花色好好題詩詠玉鉤

代贈

楊柳路盡處芙蓉湖上頭雖同錦步障獨映鈿塋後駕

鵲可羨頭俱白飛去飛來煙雨秋

桂林

城窄山將壓江寬地共浮東南通絕域西北有高樓神
護青楓岸龍移白石湫殊鄉竟何禱簫鼓不曾休

夜雨寄北

君問歸期未有期巴山夜雨漲秋池何當共翦西窗燭
却話巴山夜雨時

陳後宮

欽定四庫全書

李義山詩集
卷上

九

茂苑城如畫閨門瓦欲流還依水光殿更起月華樓侵
夜鷹開鏡迎冬雉獻裘從臣皆半醉天子正無愁

屬疾

許靖猶羈宦安仁復悼亡茲辰聊屬疾何日免殊
方秋蝶無端麗寒花更不香多情真命薄容易即

迴腸

石榴

榴枝婀娜榴實繁榴膜輕明榴子鮮可羨瑤池碧桃樹

碧桃紅頰一千年

明日

天上參旗過人間燭焰銷誰言整雙履便是隔三橋知
處黃金鎖曾來碧綺寮凭欄明日意池澗雨蕭蕭

飲席戲贈同舍

洞中屐響省分攜不是花迷客自迷珠樹重行憐翡翠
玉樓雙舞美鷗鷺蘭迴舊筵緣屏綠椒綴新香和壁泥
唱盡陽關無限疊半盃松葉凍頗黎

欽定四庫全書

李義山詩集
卷上

憶梅

定定住天涯依依向物華寒梅最堪恨長作去年花

贈柳

章臺從掩映郢路更參差見說風流極來當婀娜時橋
迴行欲斷堤遠意相隨忍放花如雪青樓撲酒旗

詠柳

已帶黃金縷仍飛白玉花長時須拂馬家處少藏鴉眉
細從他飲腰輕莫自斜玳梁誰道好偏擬映盧家

北禽

為戀巴江暖無辭瘴霧蒸縱能朝杜宇可得值蒼鷹石
小虛填海蘆鉅未破矧知來有乾鵲何不向雕陵

初起

想像咸池日欲光五更鐘後更迴腸三年苦霧巴江水
不為離人照屋梁

楚宮

複壁交青瑣重簾掛紫繩如何一柱觀不礙九枝燈扇

欽定四庫全書

李義山詩集
卷上

薄常規月釵斜尺鏤水歌成猶未唱秦火入夷陵

柳

柳映江潭底有情望中頻遣客心驚巴雷隱隱千山外
更作章臺走馬聲

石城

石城誇窈窕花縣更風流簾水去將飄枕簾烘不隱鉤
玉童收夜鑰金狄守更籌共笑鴛鴦綺鴛鴦兩白頭

韓碑

元和天子神武姿彼何人哉軒與羲誓將上雪列聖耻

坐法宮中朝四夷淮西有賊五十載封狼生驅驅生罫

不據山河據平地長戈利矛日可麾帝得聖相相曰度

晏子春秋
仲尼聖相賊斫不死神扶持腰懸相印作都統陰風慘

淡天王旗憩武古通作牙爪儀曹外郎載筆隨行軍司

馬智且勇十四萬衆猶虎貌入蔡縛賊獻太廟功無與

讓恩不訾帝曰汝度功第一汝從事愈宜為詞愈拜稽

首蹈且舞金石刻畫臣能為古者世稱大手筆此事不

欽定四庫全書

李義山詩集
卷上

繫於職司當仁自古有不讓言訖屢顧天子頤公退齋

戒坐小閣濡染大筆何淋漓點竄堯典舜典字塗改清

廟生民詩文成破體書在紙清晨再拜鋪丹墀表回臣

愈昧死上詠神聖功書之碑碑高三丈字如手負以靈

輦蟠以螭句奇語重喻者少讒之天子言其私長繩百

尺拽碑倒麤砂大石相磨治公之斯文若元氣先時已

入人肝脾湯盤孔鼎有述作今無其器存其詞嗚呼聖

皇及聖相相與烜赫流淳熙公之斯文不示後曷與三五

相攀追願書萬本誦萬過口角流沫右手舐傳之七十
有二代以為封禪王檢明堂基

令狐八拾遺

綸見招送裴十四歸華州

二十中郎未足稀驪駒先自有光輝蘭亭讎罷方回去
雪夜詩成道韞歸漢苑風煙催客夢雲臺洞穴接郊扉
嗟予久抱臨邛渴便欲因君問釣磯

離思

氣盡前溪舞心酸子夜歌峽雲尋不得溝水欲如何朔

欽定四庫全書

李義山詩集卷上

鴈傳書絕湘篴染淚多無由見顏色還自託微波

宿駱氏亭寄懷崔雍崔衮

竹塢無塵水檻清相思迢遞隔重城秋陰不散霜飛晚
留得枯荷聽雨聲

風雨

淒涼寶劍篇羈泊欲窮年黃葉仍風雨青樓自管絃新
知遭薄俗舊好隔良緣心斷新豐酒銷愁斗幾千

夢澤

夢澤悲風動白茅楚王葬盡滿城嬌未知歌舞能多少
虛減官廚為細腰

贈歌妓二首

水精如意玉連環下蔡城危莫破顏紅綻櫻桃含白雪
斷腸聲裏唱陽關

白日相思不奈何嚴城清夜斷經過只知解道春來瘦
不道春來獨自多

謝書

欽定四庫全書

李義山詩集卷上

微意何曾有一毫空攜筆硯奉龍韜自蒙半夜傳衣後
不羨王祥得佩刀

寄令狐學士

秘殿崔巍拂彩霓曹司今在殿東西賡歌太液翻黃鵠
從獵陳倉獲碧雞曉飲豈知金掌迥夜吟應訝玉繩低
釣天雖許人間聽闔闔門多夢自迷

酬令狐郎中見寄

望郎臨古郡佳句灑丹青應自丘遲宅仍過柳惲汀封

來江渺渺信去雨冥冥句曲間仙訣臨川得佛經朝吟
措客枕夜讀漱僧瓶不見銜蘆鴈空流腐草螢土宜悲
坎井天怒識雷霆象奔分疆近蛟涎浸岸腥補羸食紫
桂負氣託青萍萬里懸離抱危於訟閭鈴

七月二十八日夜與王鄭二秀才聽雨後夢作

初夢龍宮寶焰然瑞霞明麗滿晴天旋成醉倚蓬萊樹
有箇仙人拍我肩有少頃遠聞吹細管聞聲不見隔飛煙
逡巡又過瀟湘雨雨打湘靈五十絃瞥見馮夷殊悵望

欽定四庫全書

李義山詩集

五

蛟綃休賣海為田亦逢毛女無慘極龍伯薺將華岳蓮
恍惚無倪明又暗低迷不已斷還連覺來正是平階雨
獨背寒燈枕手眠

寄令狐郎中

嵩雲秦樹以離居雙鯉迢迢一紙書休問梁園舊賓客
茂陵秋雨病相如

漫成三首

不妨何范盡詩家未解當年重物革遠把龍山千里雪

將來擬並洛陽花

沈約憐何遜延年毀謝莊清新俱有得名譽底相傷
霧夕詠芙蓉何郎得意初此時誰最賞沈范兩尚書

無題

一云
陽城

白道縈迴入暮霞斑駁嘶斷七香車春風自共何人笑
枉破陽城十萬家

槿花二首

燕體傷風力難香積露文殷鮮一相雜啼笑兩難分月

欽定四庫全書

李義山詩集

五

裏寧無妬雲中亦有君三清與仙島何事亦離羣
珠館薰然以玉房梳掃餘燒蘭纔作燭襞錦不成書本
以亭亭遠翻嫌脉脉疎迴頭問殘照殘照更空虛

哭劉蕡

上帝深宮閉九關巫咸不下問銜冤廣陵別後春濤隔
湓浦書來秋雨翻只有安仁能作誄何曾宋玉解招魂
平生風義兼師友不敢同君哭寢門

杜司勳

高樓風雨感斯文短翼差池不及羣
刻意傷春復傷別
人間唯有杜司勳

荆門西下

一夕南風一葉危
荆雲迴望夏雲時
人生豈得輕離別
天意何曾忌嶮巖
骨肉書題安絕徼
蕙蘭蹊徑失佳期
洞庭湖濶蛟龍惡
却羨楊朱泣路岐

碧瓦

碧瓦銜珠樹紅輪結綺寮
無雙漢殿鬢第一
楚宮腰霧
欽定四庫全書

李義山詩集
卷上

唾香難盡珠啼冷
易銷歌從雍門學
酒是蜀城燒柳暗
將翻巷荷欹正
抱橋鈿轅開道入
金管隔隣調夢到飛
魂急書成即席遙
河流衝柱轉海沫
近槎飄吳市蟾蜍
甲巳寶翡翠翹他時
未知意重疊贈嬌饒

蝶

葉葉復翻翻斜橋對側門
蘆花唯有白柳絮可能溫
西子尋遺殿
昭君覓故村
年年芳物盡來別
敗蘭蓀

蠅蝶雞麝鸞鳳等成篇

韓蝶翻羅幕曹蠅拂綺窓
閨難迴王勒融麝暖金缸
玊明書閣琉璃水酒缸
畫樓多有主鸞鳳各雙雙

韓翃舍人即事

萱草含丹粉荷花抱綠房
鳥應悲蜀帝蟬是怨齊王
通內藏珠府應官解王坊
橋南荀令過十里送衣香

公子

一盞新羅酒凌晨恐易銷
歸應衝鼓半去不待笙調歌
好唯愁和香穠豈惜飄
春塲鋪艾帳下馬雉媒嬌

欽定四庫全書

李義山詩集
卷上

子初全溪作

全溪不可到况復盡餘醅
漢苑生春水昆池換劫灰
戰蒲知鴈唼皺月覺魚來
清興恭聞命言詩未敢迴

楊本勝說於長安見小男阿衮

聞君來日下見我最嬌兒
漸大啼應數長貧學恐遲
寄人龍種瘦失母鳳雛癡
語罷休邊角青燈兩鬢絲

西溪

悵望西溪水潺湲奈爾何不驚
春物少只覺夕陽多色

染妖韶柳光含窈窕蘿人間從到海天上莫為河鳳女
彈璫瑟龍孫撼玉珂京華他夜夢好好寄雲波

柳下暗記

無奈巴南柳千條傍吹臺更將黃映白擬作杏花媒

妓席

樂府聞桃葉人前道得無勸君書小字慎莫喚官奴

少年

外戚平羌第一功生年二十有重封直登宣室螭頭上

欽定四庫全書

李義山詩集
卷上

橫過甘泉豹尾中別館覺來雲雨夢後門歸去蕙蘭叢

灞陵夜獵隨田竇不識寒郊自轉蓬

無題

近知名阿侯住處小江流腰細不勝舞眉長唯是愁黃

金堪作屋何不作重樓

玄微先生

仙翁無定數時入一壺藏夜夜桂露濕村村桃水香醉

中拋浩劫宿處起神光藥裏丹山鳳棋函白石郎美河

移砥柱吞日倚扶桑龍竹栽輕策蛟絲熨下裳樹哉嗤
漢帝橋板笑秦皇徑欲隨關令龍沙萬里強

藥轉

鬱金堂北畫樓東換骨神方上藥通露氣暗連青桂苑
風聲偏獵紫蘭叢長籌未必輸孫皓香麝何勞問石崇
憶事懷人兼得句翠衾歸卧繡簾中

岳陽樓

欲為平生一散愁洞庭湖上岳陽樓可憐萬里堪乘興

欽定四庫全書

李義山詩集
卷上

枉是蛟龍解覆舟

寄成都高苗二從事

家近紅蕖曲水濱全家羅襪起秋塵莫將越客千絲網
網得西施別贈人

岳陽樓

漢水方城帶百蠻四隣誰道亂周班如何一夢高唐雨

自此無心入武關

越燕二首

上國社方見此鄉秋不歸為矜皇后舞猶著羽人衣拂
水斜文亂銜花片影微廬家文杏好試近莫愁飛

將泥紅蓼岸得草綠楊村命侶添新意安巢復舊痕去

應逢阿母

樂府詩東飛伯勞西飛
燕黃姑阿母長相見

來莫害皇孫記取丹

山鳳今為百鳥尊

杜工部蜀中離席

人生何處不離羣世路干戈惜暫分雪嶺未歸天外使
松州猶駐殿前軍座中醉客延醒客江上晴雲雜雨雲

欽定四庫全書

李義山詩集
卷上

美酒成都堪送老當壚仍是卓文君

隋宮

紫泉宮殿鎖煙霞欲取蕪城作帝家玉璽不緣歸日角
錦帆應是到天涯於今腐草無螢火終古垂楊有暮鴉
地下若逢陳後主豈宜重問後庭花

二月二日

二月二日江上行東風日暖聞吹笙花鬢柳眼各無賴
紫蝶黃蜂俱有情萬里憶歸元亮井三年從事亞夫營

新灘莫悟遊人意更作風簷雨夜聲

籌筆驛

魚鳥猶疑畏簡書風雲長為護儲胥徒令上將揮神筆
終見降王走傳車管樂有才真不忝關張無命欲何如
他年錦里經祠廟梁父吟成恨有餘

屏風

六曲連環接翠帷高樓半夜酒醒時掩燈遮霧密如此
雨落月明俱不知

欽定四庫全書

李義山詩集
卷上

春日

欲入盧家白玉堂新春催破舞衣裳蝶銜花蘂蜂銜粉
共助青樓一日忙

武侯廟古柏

蜀相階前柏龍蛇捧閭宮陰成外江畔老向惠陵東大
樹思馮異甘棠憶召公葉彫湘燕雨枝拆海鵬風玉壘
經綸遠金刀歷數終誰將出師表一為問昭融

風

撩釵盤孔雀惱帶拂駕鸞羅薦誰教近齋時鎖洞房

即日

一歲林花即日休江間亭下恨淹留重吟細把真無奈
已落猶開未放愁山色正來衝小苑春陰只欲傍高樓
金鞍忽散銀壺滴更醉誰家白玉鉤

九成宮

十二層城閬苑西平時避暑拂虹霓雲隨夏后雙龍尾
風逐周王八馬蹄吳岳晚光連翠嶽甘泉晚景上丹梯
李義山詩集
卷上
欽定四庫全書
荔枝盧橘沾恩幸鸞鵲天書濕紫泥

少將

族亞齊安陸風高漢武威煙波別墅醉花月後門歸青
海閒傳箭天山報合圍一朝攜劍起上馬即如飛

詠史

歷覽前賢國與家成由勤儉破由奢何須琥珀方為枕
豈得真珠始是車運去不逢青海馬力窮難拔蜀山蛇
幾人曾預南薰曲終古蒼梧哭翠華

贈白道者

十二樓前再拜辭靈風正滿碧桃枝壺中若是有天地
又向壺中傷別離

無題二首

昨夜星辰昨夜風畫樓西畔桂堂東身無彩鳳雙飛翼
心有靈犀一點通隔座送鉤春酒暖分曹射覆蠟燈紅
嗟余聽鼓應官去走馬蘭臺類斷蓬

聞道閨門萼綠華昔年相望抵天涯豈知一夜秦樓客
李義山詩集
卷上
欽定四庫全書

偷看吳王苑內花

漢宮詞

青雀西飛竟未迴君王長在集靈臺侍臣最有相如渴
不賜金莖露一盃

無題四首

來是空言去絕蹤月斜樓上五更鐘夢為遠別啼難喚
書被催成墨未濃蠟照半籠金翡翠麝熏微度繡芙蓉
劉郎已恨蓬山遠更隔蓬山一萬重